

武進惲鐵樵遺著

藥盒醫學叢書

永春馬氏題



武進惲鐵樵遺著

藥盒醫學叢書

永宏馬公愚題



第八輯 (下) 藥盒醫案 卷(五)(六)(七)



南京中医药大学图书馆版权所有

中華民國三十八年四月出版

藥盒醫學叢書

第八輯 藥盒醫案（全二冊）

定價二十元

著者 武進 譚鐵樵
選註者 江陰 章巨膺

發行者 上海（九）牯嶺路人安里十四號
新中醫學出版社
電話：九〇六七號

發行人 章巨膺

中華民國三十八年八月二十五日領有
內務部著作權註冊執照
文字第壹萬零肆拾陸號
印刷者 翻印不准

印刷者 代售處

民友印刷公司
上海合肥路餘興坊廿六號
電話：八二三八號

商務印書館
上海河南中路二一一號

千頃堂書局
上海漢口路二九六號

武進惲鐵樵著

藥盒醫學叢書第八輯

藥

盒

醫

案

卷
(五)
(六)
(七)

受業江陰章巨膺選註

藥盒醫學叢書第八輯

藥盒醫案卷五

武進惲鐵樵著

雜病門 風病

子道周藏稿
受業江陰章巨膺註釋

孫右 肝旺血少。卻無風象。亦不見虛象。惟就病症測之。則二者均有。殆是內風之最輕微者。十月十三日

滁菊 二錢 鉤尖 三錢 綿仲 三錢 蒺藜 三錢 炙黃芪 二錢

桑芽 三錢 歸身 三錢 赤芍 錢半 防風 八分 炙虎骨 三錢

案不詳證狀。云就病證測之。虛而有風象。必有頭暈目眩。或面見火色。脈或弦硬。表面無虛象。其實是代償性。屬虛。蓋血少者。神經失養。反見肝旺有餘之色脈。爲假性的有餘也。方藥除歸芪綿芍外。皆清鎮之品。有祛風平肝。降低血壓。弛緩神經等作用。



二診 頰車不利。確是風病。胆火不潛。不能溫補。十月十五日

滁菊 錢半 桑芽 三錢 蒺藜 三錢 秦艽 錢半 赤芍 錢半

鉤尖 三錢 川連 三分 防風 六分 獨活 五分 元參 一錢

炙草 五分 歸身 三錢 天麻 三錢

肝陽不潛。胆火上燔。必苦頭渾目花。頰車不利。尤其甚者。其血壓必高。自宜清鎮。云不能溫補。必有進溫補之議者。此病服參。必致目盲。處方絲絲不扣。必有良效。

李左 徧身麻。腿痠。左脈硬。腎虧精不足。血亦虛。因而有風意。當虛實兼顧。

歸身 三錢 炒綿仲 三錢 秦艽 錢半 菟絲 三錢 回天丸 半粒藥化服

枸杞 三錢 大生地 三錢 天麻 三錢 蒺藜 三錢

此中風前兆病候也。履霜堅冰。宜知凜戒。得藥風除。腎虧血虧依然。根本已壞。雖取效一時。終必貽大風苛毒之禍。

一診 腰腿痠痛。脈嫌不藏。風雖除。血未復。腎虧依然。此當漸差。十月十六日

天冬 三錢 杭菊 錢半 天麻 三錢 菟絲子 三錢 菴蓉 三錢

綿仲 三錢 歸身 三錢 赤芍 錢半 大生地 三錢 蒺藜 三錢

彭左 脈虛。腎熱。濕重風勝。肺腎並病。血分不清。神氣不甚爽慧。因血少神經亦受影響。當煎丸並進。標本兼治。十一月廿五日

歸身 三錢 麥冬 三錢 天麻 三錢 綿仲 三錢

天冬 三錢 蒺藜 三錢 炙草 六分 萆薢 錢半

枸杞 三錢 製香附 三錢 回天再造丸 一粒四分之一化服

濕重風勝句。包含痰濁頻多。舌苔垢膩。骨節痠楚。肌肉瞶動。手足麻木等證候。從方藥可知也。

二診 面浮。腳腫。是藏氣大虛所致。脈亦虛。虛而腫。本非細事。惟舌色則濕象已化。此亦差強人意之一節。十一月廿六日

高麗參 一錢 茯苓 三錢 菟絲子 三錢 天冬 三錢

姜半夏 錢半 鉤尖 三錢 炒綿仲 三錢 滁菊 錢半

此人年事當在花甲以外。面浮脚腫。腎腺枯竭。根本墮敗矣。雖舌苔濕象已化。強差人意。然登鬼錄之期。當不在遠。

三診 脈虛甚而數。面浮。脚腫。神氣甚劣。病殊危險。其內風因虛甚。已不及治療。勉強維持。能過春分。方有希望。十二月一日

天麥冬 各三錢 川貝 三錢 五味子 三分

龜齡集 二分 橘絡 錢半 人參鬚 一錢另煎沖

脈虛而數。心藏衰弱也。面浮脚腫。腎藏亦敗也。春分當前。或無幸免。處方以生脈散合龜齡集。心腎並治。盡人事而已。龜齡集係山西祕藥。性溫。治老人脚腫良效。

四診 病有轉機。照例肺腎並虧。更有內風而見面浮脚腫。是不治之候。有此

現狀。大是幸事。十二月六日

五味子 三分 杏仁 三錢 川貝 三錢 天麥冬 各三錢 龜齡集 二分

川草薢 錢半 橘絡 錢半 歸身 三錢 人參鬚 一錢另煎

前方並補心腎的係良劑。病見轉機。畢竟因於藥力。其根本已頽敗者。決不能脫胎換骨。雖稱慶一時。烏足云大幸事。凡急性病勢暴者。撥亂反正而見轉機。形勢遂定。若慢性病而機轉速者。反非佳朕。師何曾不知。特稱快一時語耳。

五診 脈氣不寬。有歇止。舌略萎。腫未全除。形神不足。虛甚。十二月九日

天麥冬 各三錢 杏仁 三錢 炙草 六分 人參鬚 一錢另煎

川象貝 各三錢 蒺藜 三錢 歸身 三錢 炙桑皮 錢半

龜齡集 二分 橘皮 錢半 陳阿膠 錢半 蛤粉炒

六診 脈氣不寬。微而無胃氣。照此脈象。腫退尙須時。十二月十五日

高麗參 六分

炒烏藥 一錢

杏仁 三錢

川象貝 各三錢

天冬 三錢

菟絲子 三錢

炒綿仲 三錢

蒺藜 錢半

龜齡集 二分

脈不寬而有歇止。心藏瓣膜壞矣。此病不死。先師是神醫。此老是仙人。

自此無後文。必無好文章。縱得苟安一時節。立夏必不能過。

沈右 產後昏迷。目不能瞬。舌縮。呼吸不能自還。脈洪。病已一候以上。此從難產起。血苑於上。神經起變化。因失知覺。西醫所診斷。與鄙見悉同。候色脈。病人舊有內風。血分不清。此卽難產之所由來。亦卽西醫所謂腎病。但此與現在治療無關。現在抽血補以鹽水。畢竟已鬱於腦之血。不能下。且神經變硬者。不復弛緩。則知識無由恢復。用苦降。倘體工能運藥。可冀萬一之效。

胆草 四分

赤芍 三錢

桃仁 三錢

紅花 錢半

歸身 三錢

丹參 一錢

參鬚 二錢

獨活 六分

蒺藜 三錢

凡病之重篤者。心肺腦證見其一。危險難治。見其二。便不可活。三者並見。則百無一生也。此病目不能瞬。視神經已無反應。腦證也。舌縮脈洪。心證也。呼吸不能自還。肺氣垂絕。三者並見。尙望生機。正如大海撈針。診斷病原。是血苑於上。何以致血苑於上。殊費推敲。謂因舊有內風。血分不清。因此而致難產。因此而致血苑於上。理由殊不健全。

二診 脈洪。較之昨日略多胃氣。可以測知三五日內無事。兩目皆斜。是腦病甚深之證。須加重藥力。此病誠萬險。但萬一轉機。亦只在二三日中。

烏犀尖 四分 蒺藜 三錢 胆草 四分 淡竹瀝 二兩姜汁冲

炙鼈甲 三錢 歸身 三錢 胆星 錢半 安腦丸 一粒

人參鬚 錢半 獨活 一錢 桃仁 三錢 赤白芍 各錢半

明日可用回天丸換安腦丸。

前方以桃仁紅花丹參赤芍去瘀。主以胆草苦降。冀血瘀下行。凡瘀則發炎。故此方從前方加犀角。

合安腦丸。均以寒涼清腦炎也。明知病不可爲。竭盡人工。

三診 目光較前爲活動。脈稍嫌忤指。痰多甚。呼吸爲窒。當設法滌除。牙關緊。

亦須以藥力開之。當然仍在危險之中。就希望方面說。可謂已過峯險。

胆草 五分

蠍尾 三分炙

薑夏 二錢

炒殭蠶 二錢

陳皮 錢半

獨活 一錢

胆星 三錢

竹瀝 二兩薑汁六滴

杏仁 三錢

赤芍 三錢

蒺藜 三錢

人參鬚 一錢

歸身 四錢

桃仁 三錢

防風 一錢

回天丸 一粒

另用皂角一寸。去皮弦子。炙全蠍炙兩枚。元寸五厘。三味分研。後合研至極細。每用少許。指蘸擦牙齦。其頰車當能自然開關。

從此診可知前之診斷治療皆是也。云已過峯極。殆見目光較前爲活動耳。此方主療。在弛緩神經。養血。去瘀。等着力。運化之機能衰竭。水飲之廢料停滯。故合胆星竹瀝等以盪滌之。外治以開關散。

謀除牙關之痙強。

四診 今日無進步。推究其原因。是無推陳致新作用之故。宜滌腸。並宜改進粥湯。脈無變動。目光亦比較好些。汗太多。十二月十日

人參鬚 八分另煎冲

煨龍骨 三錢

獨活 八分

蒺藜 三錢

炙蠟尾 二分研末冲

炙鼈甲 三錢

歸身 三錢

牡蠣 三錢

安腦丸 一粒藥化服

炙虎骨 三錢

薑夏 錢半

白芍 二錢

烏犀尖 三分先煎冲

龍胆草 四分

上三句是治腦病之經驗。投藥效。一路漸好。則有希望。若乍好乍壞。便是頓挫。終竟死也。蓋藥治之原則。有三。一所以助體工抗病力。二所以撥亂反正。三所以制強或以扶弱。假使因藥而效。失藥而病仍若。則體工無自力更生之機。即是無推陳致新之能。畢竟難於挽救也。

五診 凡腦病有一定危險期。過期便出險。在危險期中。不可有頓挫。前日無

進步。今日則不如前日甚遠。舌縮、目斜、汗多、均未減。且加甚。是最可慮。恐竟無脫險希望。十二月十二日

大生地 四錢

蒺藜 三錢

杏仁 三錢

赤白芍 各錢半

淡竹瀝 一兩冲

獨活 一錢

蠍尾 二分

川象貝 各三錢

姜半夏 錢半

歸身 三錢

牡蠣 三錢

人參鬚 五分

六診 仍在險中。但危險已減少。知識雖略有。仍嫌太少。牙關亦尙緊。當令常有。大便乃得。倘逐日得暢便。更三日或可出險。十二月十六日

歸身 四錢

天麻 三錢

炙蠍尾 三分

大生地 五錢

獨活 一錢

竹瀝 二兩

蒺藜 三錢

郁李仁 三錢

安腦丸 二粒

麻仁 三錢

胆星 錢半

杏仁 三錢

柏子仁 三錢

回天丸 一粒

萸仁 三錢去油

七診 今日脈好。神氣亦較清。頗有希望。舌色尙無敗象。或者立春能不加重。

倘立春不加重。其病且日退。十二月十九日

硃茯神 三錢 胆星 錢半 龍胆草 三分 歸身 三錢

炒烏藥 一錢 薑夏 錢半 大生地 四錢 秦艽 錢半

炙蘇子 三錢 獨活 一錢 回天丸 一粒

八診 現脈象尙平正。目光亦尙活動。較之前次診視時。並不見壞。舌苔厚。大
便行。亦佳。危險期已過。搬動亦並未添病。只須靜候開口。大約尙有半個月。

煨天麻 三錢 蒺藜 三錢 杏仁 三錢 龍胆草 四分 歸身 三錢

大生地 五錢 獨活 一錢 薑夏 錢半 郁李仁 三錢

安腦丸 一粒 生芪 三錢 秦艽 錢半 人參鬚 一錢另煎沖

回天丸 一粒 川貝 三錢 橘紅 錢半 炙乳沒 各三分去油

此爲一劑。每日挨勻時間。服完五劑後再診。

九診 昨日病情有變動。其最著者是兩目皆大。右目較甚。眸子比較高起。脈

雖不壞。然不如前此之洪。是脈亦小有變動。舌已能伸出。其苔太鬆浮。是胃亦有病。詳此次之變。決然是立春節氣關係。右目高是風勝。十二月廿六日

炙虎骨 三錢 獨活 一錢 歸身 三錢 西洋參 二錢 炙蠟尾 二分

煨天麻 三錢 胆草 五分 薑夏 錢半 炙僵蠶 錢半 回天丸 一粒

滁菊花 錢半 白芍 錢半 橘紅 錢半 郁李仁 三錢

十診 舌苔厚。脈沈。面有火色。洩太少。脈微溢出寸口。額上有汗。轉矢氣。予潛

陽通便利洩。一月八日

西洋參 一錢 郁李仁 三錢 柏子仁 三錢 麻仁 三錢

生石膏 三錢 炙鼈甲 三錢 滁菊 二錢 胆草 五分

安腦丸 一粒 炒車前 三錢 木通 八分 牡蠣 三錢

改方將八日原方去生石膏加鮮生地五錢西洋參加五分爲錢半。

十一診 舌苔青黑。鬆厚如氈。臂上肌膚起粟。此兩事純屬腺體變化。不定是

凶象。汗腺起反應。至於壞死。故膚糙。然表層既壞。裏層却有新者續生。此由色脈推測知之。新陳代謝一度既畢。則能言。但病實複雜。不止中風一症。開口之後。能否復元。或是僅僅維持現狀。及春分時有無危險。現在尙難預言。

西洋參 三錢另煎

炙全蠍 三分去翅

蜜虫 一個炙

歸身 四錢

炙虎骨 四錢去髓

回天丸 一粒藥化服

車前 三錢炒

天冬 三錢

白花蛇 一分炙冲

人參鬚 錢半另煎冲

天麻 三錢

膽草 五分

鮮生地 三錢

炙鼈甲 三錢

獨活 八分

滁菊 二錢

十二診 肢涼。顏額亦涼。環脣隱青。脈沈微已甚。希望已等於零。所以致此之由。是不得尿之故。急則治標。姑勉強化痰。 一月廿二日